

ASOMA ta señala cu nan ta bai consulta den nan seno e polemica cu tin entre Garrio y NBO



Ayeranochi via di tele-Aruba tabatin un style di cross fire. Aki ta momento cu tabata pome e grabacion di e composicion y arreglo di Anthony Garrio a presenta na '96 y despues pasa e Roadmarch ganador cu ta The Hammer di NBO. E presidente di Asoma a duna di conocé cu en realidad nan ta sona casi mescos. Antony Garrio lo unico cu e tabata kier ta cu e ta e co-arreglista y compositor di e tema ganador di e añ'a'ki esta Wild Monky. Te hasta a wordo papia di un posibel descualificacion pa cual nos ta kere esaki ta ridiculo e stap cu ASOMA lo por bai tumá. Un cos si un biaha mas ta muestra cu e miembro nan di hurado no tin conocimiento di e trayectoria di e festival di Roadmarch y Calypso. Awe e cos aki lo bira un bon boshi...Shonnan e cos aki tin cu caba...loke tin cu haci ta trece Kevin James di NBO, Presidente di Asoma y su Directiva y Anthony Garrio pa yega na un resultado final y pone hende califica kico por ta e decision cu por wordo tuma. Shonnan ta hende grandi nos tur ta..!!



Kevin James ta masha trankil di dje ayera anochi na Holly day Inn durante e happening cu tabatin. Kevin a duna nos di conoce cu e tin e grabacion y cu nan por canbanunda cu nan kier, pero no tin nada pa piki riba dje..!!

RUTA di ACTIVIDAD

- * Diamars 29 Jump-Up na Playa 8'or di anochi
- * Diaranson 30 Jump Up na San Nicolaas 8'or di anochi
- * Diahuebs 31 Hebbe hebbe Happening riba e parkeerplaats di postkantoor na Playa pa 8'or di anochi
- * Diabierna 1 Parada di Skol na Dakota pa 4'or atardi
- Eleccion di Reina Hubenil di Aruba den Don Elias Mansur ballpark pa 8'or anochi
- * Diasabra 2 Parada di mucha na Noord pa 1'or
- * Parada di Luz di Tivoli na Playa pa 8'or di anochi



Hebbe hebbe ta wordo dedica na Sra. Marcia Stamper pa su trayectoria y conocimiento amplio den carnaval. Den e CV di Stamper tin masha pais cu el a bishita asistiendo diferente convencion nan p'asina amplia mas su conocimiento. Esaki ta e promé biaha cu nan ta reconoce un hende muhé den e actividad di Hebbe Hebbe